

Matadalan ba aplikante ba Pacific Engagement Visa (PEV):

Etapa ba buka-hetan serbisu iha Austrália

Lista verifikasaun ida-ne'e nia objetivu mak ajuda aplikante ba PEV atu buka-hetan serbisu iha Austrália hodibele kumpre rekeztu sira ba vistu (visa).

Uza lista verifikasaun ida-ne'e hodibele organiza an no konfia an bainhira ita halo planu, halo aplikasaun sira, no prepara ba serbisu no hela iha Austrália.



Etapa 1: Prepara ita-nia planu kona-ba buka serbisu

Bainhira kria planu, ida-ne'e bele ajuda ita atu foka ba buka serbisu, hatene kona-ba ita-nia progresu, no hamenus estrese.

- Halo planu atu uza oras balu loroloron ka kada semana atu buka serbisu
- Kria alvu ruma, porezemplu alvu ba montante vaga serbisu ne'ebé ita aplika ba kada loron ka montante oras ne'ebé ita uza atu buka serbisu
- Hakerek lista ba vaga serbisu hotu ne'ebé ita aplika ba (kompañia, papél serbisu nian, data)
- Hanoin kona-ba papél serbisu sira ne'ebé han malu ho ita rasik nia abilidade no kualifikasaun sira, no ne'ebé interesse ba ita.



Etapa 2: Kria rezume (kurríkulum vitae) ida

Empregadór fó atensaun ba rezume ne'ebé di'ak no hatudu ita-nia abilidade sira.

- Uza PEV nia modelu dokumentu atu kria rezume profisionál ida
- Hakerek lista ba ita-nia esperiênsia serbisu nian (ne'ebé fó saláriu no mós ne'ebé voluntáriu nian)
- Hakerek lista ba ita-nia abilidade no kualifikasaun sira
- Hakerek referénsia karakter ba testemuña na'in-rua (inklui naran, papél serbisu nian, organizasaun, no enderesu email nian)
- Husu PEV nia Servisus Apoiu ba Empregu atu haree fali ita-nia rezume.



Etapa 3: Buka ba no aplika ba vaga serbisu sira

Buka online (liuhusi internét) sei fó asesu ba vaga serbisu rihun ba rihun.

- Buka ba serbisu iha sítiu internét hanesan SEEK, Indeed Australia, LinkedIn no Australian JobSearch
- Kria notifikasaun automatika kona-ba vaga serbisu ruma (job alerts), hodi nune'e ita sei la lakon oportunidade ruma
- Kria perfil online iha job board ida (kuadru dijital ba vaga serbisu sira) no prenxe informasaun hotu-hotu
- Sai prontu atu esplika katak ita-nia PEV fó ba ita direitu atu hela permanente no serbisu iha Austrália.





Etapa 4: Prepara ba entrevista sira

Hodi halo preparasaun antes entrevista ruma, ita hametin ita-nia sentimentu fiar-an no hatudu ba empregadór sira katak ita mak empregadu(a) potenciál ne'ebé badinas no matenek.

- Buka-hatene (halo peskiza) kona-ba kompañia ruma antes ita bá assiste entrevista ida
- Halo treinu kona-ba hato'o resposta ba pergunta komún sira – ne'ebé sira baibain husu
- Aprende kona-ba estilu komunikasaun iha serbisu-fatin iha Austrália
- Hatais ho didi'ak no kabeer no keta tama ba entrevista tarde
- Prepara pergunta ruma atu husu ba empregadór.



Etapa 5: Hatene ita-nia direitu sira no verifika oferta ba serbisu ruma

Hodi verifika oferta ba serbisu ruma, ita bele hatene se oferta ne'e jenuinu (loos) ka lae, no proteje ita husi serbisu ne'ebé la seguru ka la justu.

- Verifika katak oferta serbisu ruma mak permanente no kumpre PEV nia rekezitu sira
- Manda oferta ba serbisu ne'e ba PEV nia Servisus Apoiu ba Empregu atu sira bele halo verifikasaun ida
- Bainhira verifika ona, ita sei simu karta apresentasaun ne'ebé ita bele hatama (upload) hamutuk ho ita-nia aplikasaun ba vistu
- Hanoin-hetan katak bainhira iha vistu PEV nian, ita iha direitu serbisu nian sira-ne'ebé hanesan ho ema ho estatutu residénsia permanente ka sidadaun australianu.



Etapa 6: Prepara atu arranka no komesa serbisu

Hetan informasaun natoon no prepara an sei ajuda ita atubele hetan susesu bainhira muda ba no komesa serbisu no hela iha Austrália.

- Aprende kona-ba kultura iha serbisu-fatin iha Austrália
- Fó sai ita-nia planu kona-ba muda ba Austrália, inklui data ita sei to'o, ba ita-nia empregadór
- Iha Austrália, empregadór kontente bainhira ita husu pergunta – ida-ne'e la hanesan ita la hatudu respeito, maibé hanesan ita buka informasaun
- Tuir oras no keta tarde, liuliu iha loron primeiru tama ba serbisu.

Hetan informasaun natoon no prepara an sei ajuda ita atubele hetan susesu bainhira muda ba no komesa serbisu no hela iha Austrália.

- Aprende kona-ba kultura iha serbisu-fatin iha Austrália
- Fó sai ita-nia planu kona-ba muda ba Austrália, inklui data ita sei to'o, ba ita-nia empregadór
- Iha Austrália, empregadór kontente bainhira ita husu pergunta – ida-ne'e la hanesan ita la hatudu respeito, maibé hanesan ita buka informasaun
- Tuir oras no keta tarde, liuliu iha loron primeiru tama ba serbisu.



Ita bele hetan informasaun liután kona-ba PEV nia Servisus Apoiu ba Empregu iha pev.gov.au

Iha ami-nia sítiu internét ita bele buka-hetan rekursu seluk tan, inklui follu faktu sira no matadalan atu kria rezume (resume templates). Ita mós bele tau naran ba Sesaun Informasaun kona-ba Empregu sira hodi aprende buat seluk tan kona-ba buka-hetan serbisu iha Austrália.